

lxxxii

(...)

expedie copp(ie) aud(it)  
dutilh les pappies  
et a( )lad(ite) de ganilh

Accord et recognoissance de debte pour le  
capp(itai)ne jehan dutilh faict avec madome  
claire de ganilh

Ce jourdhuy **sixiesme** du mois de **may mil**  
**cing cens septante sept** en **villemur** au diocese de  
mo(n)t(aub)an et senescaucee de th(ou)l(ous)e regnant tres crestien  
prince henry par la grace de dieu roy de france et  
de pologne comme ainsi soyt estre dict  
par les parties bas nommees que **mariage**  
aye este [con]tracte et depuys **solemnise**  
**entre le cappitaine jehan dutilh** habitant de  
villemur d( )une [par]t et damoyselle **magdellayne**  
**de petit filhe de feu jehan petit bourgeois** de  
villemur /d( )au(tr)e/ et que par les pactes dud(it) mariage  
faictz entre au(tr)es choses led(it) dutilh eust

.....  
promis porter sur les biens de lad(ite) de petit sad(ite) femme  
la somme de mil livres t(ournoi)z qu( )il debvoyt bailher et  
delivrer en mains de honneste femme **claire**  
**de ganilh vefve dud(it) petit et mere de lad(ite)**  
**magdellayne de petit** et qu **despuys peu de**  
**jours** en sca **lad(ite) de petit fust decedee** a cause  
de quoy lesd(its) dutilh et de ganilh fussent en  
voye de /entrer a/ [pro]ces pour a quoy obvier traictans  
certains leurs bons amys ]seroient ve[ lesd(ites)  
[par]ties seroient venues en accord [com]me s( )ensuyt  
est il que les an jour lieu et regnant  
que dessus en presances de moy not(aire) soubz(sig)ne  
et les tesmoingz bas nommes establye en  
[per]sonne lad(ite) claire de ganilh mere de lad(ite)  
feue mag(delay)ne petit laquelle de son bon gre  
et bonne volunte a recogneu et [con]fesse avoir  
eu et receu dud(it) cappitaine jehan dutilh son  
gendre illec presant et acceptant lad(ite)  
some de mil livres t(ournoi)z tant en deniers que  
en bled vin et bestailh ]feut[ revenant a lad(ite)  
some de mil livres t(ournoi)z laquelle somme de  
mil livres t(ournoi)z lad(ite) de ganilh a recogneu et  
assigne aud(it) dutilh son beau filz ]tout[ sur tous et  
ch(ac)uns les biens meubles et immeubles dud(it) feu  
jehan petit et d( )elle po(u)r icelle somme rendre  
et restituer en temps et lieu et quant elle  
en sera requise et po(u)r tout ce dessus  
tenir garder et observer lesd(ites) [par]ties respectivement

ont ]-~~pro]mys tenir gard~~[ obliges tous et ch(ac)uns leurs biens  
meubles et immeubles presans et advenir qu( )ilz ont  
po(u)r ce soumis aux forces et rigueurs des courtz et sieges  
royaux de la sen(echau)cee de th(ou)l(ous)e court ord(inai)re de villemur  
et au(tr)es de ce royaume ont renon(çé) etc ainsi  
l( )ont jure de( )quoy lesd(ites) [par]ties ont requis  
instrum(ent) etc en presances de mossieurs maistres  
estienne blanchard docte(ur) ez droictz secretaire du  
roy **jehan de busquet** licen(cie) ez droictz **juge  
ordinaire pour le roy de navarre en sad(ite) viscomte  
de villemur** et de moy jehan richard not(aire)  
royal dud(it) villemur requis soubzsigne.

J. Dutilh      De Busquet, tesmoing

Blanchard

Richard, not(aire) r(oy)al